

深省堂

詩集

四明張氏約園開雕

新自新

精集

序

萬又庵先生詩極爲李杲堂所賞尤稱其五律自以爲
不如其後謝山續輯甬上耆舊詩錄先生作至百六十
餘首杲堂曾爲先生作御李集敘又嘗爲選定五律百
首先生爲杲堂丈夫翁婿相依者二十餘年杲堂學問
氣節一時罕匹晚歲留意詩文務倡風雅里中少長咸
推祭酒所謂浙東一老布衣幾欲奪江南半壁以自霸
者也先生爲人和平長厚退然長老昆弟閒閤闕無所
競逐而潛肆於詩其弟季野寄先生詩有云賦詩直欲

深堂詩集序

一

四明叢書
約園刊本

凌賈孟作字亦復追虞歐還將餘力工篆刻古雅多爲
人愛惜杲堂則稱其搜探意匠蘇理血脈雕磨字句而
出奇酷處直逼杜陵皆知言非阿私也杲堂輯甬上詩
傳時資先生如左右手凡所輯錄無不相商金白雲李
中林葉鄭朗吳鼓和胡百藥諸家詩并賴其力得之故
早堂曰人知余表章先輩不知得允誠之力多也曩壽
鏞得先生深省堂詩集於清腴堂陸氏實乃選本更假
伏跗室藏徐氏煙嶼樓鈔本校之詳略互異然鈔本有
圈識者此本多已錄入又據謝山所選校之二本亦不

盡同然此本蓋有四忠三節一義之門印識似爲萬氏
家物果出自先生手定與否未可知惟其中五律獨多
似與臬堂所選相去不遠因卽此本校而刊之蓋取其
精而不鶩其廣也民國二十五年一月後學張壽鏞序

萬布衣斯備傳

全祖望

萬斯備字允誠一字又菴戶部郎泰第七子也亂後隱居不試壻於李氏婦翁杲堂先生愛之相依二十餘年如右手昕夕互相唱和杲堂尤稱其五律搜索意匠疏理血脈一字一句無不雕磨且自以爲不如嘗有詩曰偶然題得驚人句爲喚吾家萬楚商及輯甬上耆舊詩先生搜訪之功最多如金白雲李中林詩葉鄭朗晚年詩吳鼓和胡百藥詩皆先生所得每得一卷杲堂爲之驚喜下拜先生亦拜先生書法極工兼精篆刻其爲人和平長厚篤於兄弟之誼先世都督甲第爲帥府所據西皋丙舍亦已先生晚年束脩之入粗治數椽均之於長兄之子管邨所著有深省堂集

深省堂詩集

明鄧萬斯備允誠著

旅興

悲風從西來飄我游子裳豈不憚遠行飢渴摧中腸朝
餐葉上露暮宿陌上霜不如鷓鴣鳥安居且翱翔崔嵬
歷古道指視多白楊念彼陳死人酒行爲停觴人生匪
松柏爲懽無久長況復貧賤身坎軻歷遐方

留別友人

皎皎陌上桑落落樹上枝褰衣欲遠行頗迴故人思握

深省堂詩集

一四明叢書

約園刊本

手深繾綣一一前致詞投我以商聲酌我以清醪非不
勤勸酬念別終在茲杯闌不忍別數問夜何其明河星
迢迢班馬聲嘶嘶飲竟出門去各自增歎歎言念故人
情感媿深余私叩須久不作知音古所稀願言敦素好
千載重襟期

山居四首

悲風四塞起秋氣滿林麓鳥鳴高樹顛魚游深澗曲山
深人不知豐草臥獨鹿有客居其中席門三徑足靜懷
百慮獨幽心寄空谷村中無濁醪手把東籬菊扶杖出

高岡行行望東旭

先公昔解綬跡歸丙舍室依冠劔籟松柏盡手稼迄
今三百年鬱鬱若臺榭誰圖白日淪狐鼠竄中夜取材
及丘墳斬伐一無赦吁嗟老虯松柯條竟爾卸目擊心
痛傷揮淚不能罷昊天胡弗仁乃使狐鼠借時祖墓松木盡被斫

冷竈無餘煙脫粟及芋韭我來處其中食此殊可口餒
腹每易甘貧舍殊難厚默坐日三餐念之能無負轆轤
起中腸四顧向誰剖夜半不得休宿鳥啼衰柳

深室集

一四明叢書

約園刊本

驟雨頽檐下燈光滅復明塵埃落几筵戶牖涼風生夜
半起兀坐四顧冷如冰披褐喚僕夫前窗起鼻聲愁來
不能寐傾耳聽雞鳴長夜不得曉憂思淚盈盈

竹中八詩次周方人韻

存二

看雲

萬竹碧參天孤雲起岫前不知雲到眼尙道竹生煙漸
失遙村樹微侵小座編相看怡悅罷隻影可猶仙

得雨

亦有今朝雨登樓望遠林地連秋水淡天入暮山深涼

氣滋枯稗清音續素琴遙知新霽後月下有微吟

長至日對雪

已值肥冬節華冠帶雪迎壓梅先耀白卻日預爭明添
影欺鎧燄飛花亂鳥程來朝枝上看應羨眾芳盈
意欲長畱爾經時池上明鹿歸溪有跡葉落徑無聲野
曠孤煙絕山高眾木平窮檐良足念龜石更誰盈

送邵孝子奉母歸四明山居五首

有序

孝子本僧人佛嗣年七歲隨父母避兵四明山
中亂後全家相失轉徙至武林爲富家子年十

深省堂詩集

二四明叢書

約園刊本

八以父母故乞身淨慈寺爲僧今春偕同門僧
古倫渡江尋訪故居其父宛在而其母則在吾
鄞東舉去亂時已十五年矣秋閒將贖母奉歸
四明山居子輩感其孝行醇篤共爲募資遣行
而兼贈之以詩

朝夕倚門望何期此日旋乍逢疑隔世少別尙知年霜
鬢新添白畦衫已作禪到家思舊後一度一潸然

七歲離鄉曲憂懷不可刪思親瞻白日隨友到明山近
舍愁聞信登堂急認顏牽衣猶恐誤看取少時斑

佛嗣背有

黑痣

白首客他縣家鄉謂死還不圖歡會日竟在當生前故
字多荆棘荒村足杜鵑相逢重數說此會是何年

昔別年方盛今來鬢已稀莫將惠持意忘著老萊衣

予

勸佛嗣奉母終
年然後出家

托盃供衰暮誅茅送落暉承歡多勝事

到處卽禪機

小人亦有母君子篤於親我已慙無報汝今志得伸烏
啼原野月花發故園春一念歸淳摯天公不負人

次韻杲堂先生問于石上人病

深寧堂詩集

四一四明叢書

約園刊本

雙青相聚後一病問于公我意深相念君顏近不同好
音從烏悉幽意倩詩通秋草初搖落西堂愼夕風

次韻李譽樵早起

朝來肅氣凝檐瓦微霜附呵凍揮弱毫點畫多乖忤負
暄移庭隅竹影已在戶茗粥聊驅寒充然得微助吟成
屬知音爲我攄情素

遙聞杲堂先生山居得友次韻

爲念幽居寂遙聞溪友過茗鐙棲嶂古草木衛身多小
座寒光抱空堂靜氣羅杯闌相對罷應奏紫芝歌

夜坐久次韻

坐久渾忘夜幽光四壁凝烏歸雲逐影屋隙夜通鐙遠
簡悲情宿新詩壯氣憑側聞雞唱曉披褐待晨興

山居

巖棲無所詣日訪竹林東野確松陰外人家虎落中深
溪危石渡曲澗小橋通是處巡行徧清幽事事同

至後

山礬花發女紅長衰草窮陰逼豔陽氣近小寒年入夜
家臨窮巷郭猶鄉桐窗葉盡疏鐙出竹徑人稀眾鳥藏
莫向江村恣野眺年來風物總淒涼

雪霽次雪嶠大師韻

朔雪飛飛蔽遠江素梅開處恰成雙猶疑亂絮飄蓬戶
不覺疏枝映紙窗花塢乍回金勒馬柳營初展碧油幢
來朝直上浮圖望盡向溪流深處降

夜坐次楊伯翼先生韻

小館人初靜高樓一榻孤風生羣嘯起月死眾光無餘
日天畱步殘鐙稅不輸耕鋤非所好生意在菰蒲

山居詩十首

有序 存四

山棲日久悟衷散賞興致怡然嘗欲記諸詩歌
迄以塵務攪心有懷未吐及讀戒庵李先生意
游詩異居同趣筆墨外淵淵有林壑聲因此筆
率和以志一時興會云爾

山雪

默默竟昏曉霏霏滿澗岑凍深嵐不起寒合水無音曠
野山連霧澄空月在心故交殊有興乘夜儻相尋

山晚

牛羊喧暝色各已辨茅茨遠近同時合煙嵐是處垂鴉

陳書堂詩集

六十四明叢書
約園刊本

鳴十嶂亂日落片雲遲坦步霜輪下溪光上接羅

山曉

客睡寒初起霜天一鳥鳴四山清露盡萬樹綠陰明嶺
日高難上溪煙迴未平佇觀羣動處早有入山情

山晴

一夜松濤發微明雨氣收薄雲穿徑溼殘靄雜風流小
市人初集窳田麥乍瘳從茲入山路泥屨可無憂

移居詩爲寄翁賦

甬江城外多壘土甬江城頭多鞞鼓一聲悲栗動江雲

散入江城滿環堵我家幕府相鄰處比屋弓刀不可住
一朝驅徙何倉皇骨肉相依墓柏傍丙舍淒其偪林藪
苦雨酸風無不有夜寒霜雪滿前溪婦歎兒啼四壁吼
此時思家雙淚垂此中愁歎誰得知我懷同人近五載
把臂今看寄翁在寄翁情事千里同邗江水與甬江通
移家未定復作客身如流草隨飄風乃知側足歎局窄
何事不具覆載中嗟乎哉四海風塵苦未息男兒無居
何足惜一區之宅皆塵埃魯殿梁園安在哉願與先生
同廓落萍逢傾蓋且銜杯君不見漢時童子鴻伯通庶
下寄朝昏又不見君家大小陸小廡三閒分瓦屋古來
奇人類如此君獨胡爲不爾爾

出門行送翼子之淮陰

甬江之水通海汐小艇依依夾岸泊昨夜西風報好音
聞君欲作遠行客嗟君文筆何崎嶇作詩結髮直至今
高談恍對孫韓語下筆如聞陶謝吟數年以來饑瘠遘
往事歛歎難重究終朝欲采顧翽菰經歲難與郤詵樞
昔年有家徒四壁今年四壁空馬櫪昔年有田歎無秋
今年有秋無田行復愁負米行備誰復許賃書種瓜無

處所滿目淒涼涕淚垂中夜愁思黯無語山陰父友守
鹽城行將策蹇訪韓亭千古淮流尙瀾瀾君行試問東
流水拔劍幾將行出門瓶罍牽懷行復止從來所歎行
路難今君出門似更艱桃李芳菲欲行路末利花殘子
猶住眼前無復昔原嘗出門四顧空茫茫飲盡離杯
盡日他日相逢猶未別幸有明宰相垂青
謂詞臣張公贈君
以錢送君行八月秋高風號怒輕橈欲問廣陵渡垂白
丁寧肺腑裂賓客相看淚如雨獨有西臬故人色反喜
江上片帆子行矣

梁甯堂詩集

八四明叢書

約園刊本

雪夜有懷石庵和上

窮冬風雨滯行役濟川無舟歎躑躅黃山長老久別離
側身西望增愁思昨夜北風穿檻過飛來雪片如掌大
布被冰寒麻不成起視窗前類月明客邸思鄉亂營室
硯田無秋荒不律歲晏寒威無已時良朋聚首難爲期
憶爾棲霞寄行跡萍水相看如舊識食我盤餐濯我腸
卽次身忘在羈逆轉眼風塵各一天君往臨溪我雪川
蒼雪蹉跎三浹日兩地相思對風雪日前一雁來黃浦
知師乞食良辛苦以之感慨傷舊游寒庭落木聲颼颼

安得與君同一處
豁我胸中積情愫
結茅倚杖步溪前
山花山鳥相留連

午日聞思書懷

飄零書劍更何之
愁向南湖聽竹枝
作客更逢連雨夜
思鄉況值泛蒲時
土音漸異知家遠
短褐難拋賴暑遲
幸有故人同索莫
好炊角黍話東籬

寄懷巢端明年伯山居三首

存一

戎馬徧南國
荆扉獨隱淪
琴書娛白髮
板蕩失青春
世事袁闕老
生涯阮籍貧
向來高蹈志
寂絕更誰鄰

深雷堂詩集

九四明叢書

約園刊本

清溪客舍次韻酬別呂用晦

飄飄旅舍接山城
久客深慙出市行
嶺半夕陽熏草淡
窗前初月當燈明
春風夢逐家書到
夜雨愁隨澗水生
何幸蕭條空谷裏
忽聞戶外嘯歌聲

送錢退山先生四首

存一

文章難賣半生貧
纔返家園又問津
莫道人閒輕聚散
須知不是少年身

次韻顧仲書中秋

雨雨風風又半秋
異鄉遙動故鄉愁
老來節序無心歷

亂後萍蓬是處浮萬樹蛩聲催病葉一庭寒色上征裘
茂陵最是江湖客未到衰年已倦游

閏七夕

何幸當茲夕離懷更細論初筵欣再敘宿幕喜猶溫多
謝芻尼力難忘和仲恩願今推閏節長把上秋尊

癸丑臘月二十八日立春次臬堂先生韻三首

才見山雞乳陽和又早萌辛盤兼臘餽甘草隔年生
席煨新夢風霜眷老鐺無因驅俗慮搔首草堂行

失意誠何限年來得未曾無家懸戶尉有室似門丞

時子

深省堂詩集

十四明叢書

約園刊本

兩失 偶 名海人爭赴愁城我獨登幸餘書卷在偃戶得深

憑

寒既侵人甚春來始漸宜條風回麥早甘雨潤蔬遲

時久

不梅柳先時覺鶯鴻此日知貧家稀歲事兀坐且裁詩

送悟公住西翠山庵四首

半生丘壑計將老始山居未往謀生業先從載異書
寒村舍飯風雨佛堂魚他日城西路相過興不疏

從此安禪去孤懷託薜蘿地偏人跡少檐靜樹聲多
野鹿銜雲供山鶯近水歌一時當一日恣討莫蹉跎

他時詩作伴此日竹爲家萬壑消青鬢千峯老雜華

經名

叩門稀熱客乞食有寒鴉廿載幽棲夢安然一枕除

留原長念汝况復遠離情尺牘遙難寄雙睛不肯晴江

楓迴舊夢山草出新聲莫戀西峯月長忘漉酒生

山行

竹樹迎雲出尋幽到翠微數家榆火熟一路豆花肥鳥
聚春生戶山深夜不扉巖棲終日計誰使寸心違

懷董巽子次邱玉冊韻四首

未接西陵字襟期近若何高懷延譽少久客領秋多歸

深省堂詩集

十二四明叢書
約園刊本

信時頻到春光昨又過誰知江上草翻勝室中蘿

夙性耽岑寂憑君慰索居那堪三載別祇藉一行書獨

鳥聲難發寒雲病不舒何當同草屋風雨聚鄉閭

敢說朋從樂寧忘將母思憂心還我共湖色是君私

時寓

上霧重山情倦風多樹影疲烽煙與家計躑躅更何之

日見諸公到惟君滯客航野鷗知姓氏江草識行藏旅

橐詩千首家書淚兩行遙知登眺處懷舊幾停觴

野望

四望宜原野林疏見遠情孤村雲作障古屋樹爲城稻

實兼天白山光並日明居民丁歲熟爛熟飽香杭

東郊

徐步東郊外悲風四塞生神叢棲雀室鬼語出蓑城

以草

蓋城曰蓑城樹盡鴉亡宅山荒虎露睛樵蘇恐後爨斬伐到

柴荆

遣意

以下六十首俱次杜少陵韻

有山隨處好無累且身輕學短經綸拙家貧禮數生晴
光薰野豆秋色守園橙但得幽居樂何煩更事名

霏霏雲影亂肅肅雁行斜烏白翻紅葉黃魚到白沙補

深省堂詩集

十二四明叢書

約園刊本

窗招竹月斷酒誤籬花雀雨朝來甚難將日色賒

一室

未敢逢人說愁心一室懸正聞來塞馬忽報下江船
戢伐何多滯驚疑且一年紛紜無事事惆悵夕陽前

溪上

夜雨青楓路秋風白豆家醉眠三戶酒吟謝一籬花山
客雲爲服溪魚宅是沙人生貧亦適所惜鬢空華

日暮

偶來池館下夜影到閒門景物猶新目人風已舊園蛛

寒羅暗戶蟬困語高原莫自嗟岑寂當年勝事繁

山寺

十月霜飈重空山野寺高秋光辭翦竹春意上含桃澗
滑依人過崖尖倚杖牢老僧疏筆墨何處借濡毫

月夜

小春前後月冷落少人看雁字遙難辨蛩吟苦未安霜
深添瓦白天老續更寒小僕圖齏睡頻催短燭乾

白露

白露溥黃菊清霜印碧蹄氣寒非爲兩松響不關溪葉

深省堂詩集

十三四明叢書

約園刊本

落風謀徙巖空霧失棲欲求深隱處何道是幽蹊

舟中

飄泊孤楓下餐吟白水邊來分青草路回憶上江船乞
火知村近稽程數月圓居民空眼熱猶指是神仙

客寄

小亭臨野岸獨立飽天風魚響寒煙外燈明破院中烹
茶施過客避雨集田翁來往誠何限飄飄似轉蓬

徐步

徐步出榛蕪天開見日晡禽聲翻上下風色亂髭鬚山

闕疑雲補崖傾信樹杖藜還苦詠形影一如愚

長吟

秋老山俱瘠天寒日易陰還從霜落候重憶草萌心小
犬穿籬慣輕鳧沒藻深悠然如有會盡日起長吟

田舍

煙火桑禾內山溪籬菊旁高高盛糲飯草草著衣裳種
豆千家熟畱橙一樹香莫嫌田舍窄新有竹如梁

獨坐二首

高煙入杳冥檻外竹輸青不約風生戶無言月到庭犬

深甫堂詩集

十四四明叢書
約園刊本

開門吠影魚靜沼分萍鄰舍書聲徹鏗鏗實可聽

淡日句餘畔微雲太白東雀占過月雨魚老數番風衣
綻煩鄰姆囊傾媿侍童人情饒背面近學耳如聾

晚晴

老桂煙初淨疏桐雨尙沾夕陽烘瓦屨短髮坐風簾已
聽棲禽報重看新月添虎飢思得食帶日早離潛

草堂

寂寂松楸徑孤孤三兩家隔溪小市晚鄰剝古梅斜酌
酒招翁仲尋源到九沙

堂名在
杭畱下

烽煙難可至遙望意空

賒

周遭諸水畔冷落幾人家好友乘時集論文到日斜療
飢烹鹿竹消渴煮蠶沙隔岸漁船到相知肯暫賒

晚晴

清晨負笠去晚戴日光歸斷霓隨東沒昏鴉帶溼飛霞
明千嶂出風力一鐘肥宿有鄰翁約朝來入翠微

將曉

天眼何曾閉東君又啓關一簾將謝月四塞未開山市
豎肩蔬出江翁插鯉還宵中林鳥喚猶恐是蠻蠻

蠻蠻水鳥

深省堂詩集

十五四明叢書
約園刊本

至則大水
時方苦雨

愁坐

寂坐松筠下青陰蓋一門塵煙無白屋鐘鼓失黃昏

時禁

鳴鐘近水蛟龍鬪連山虎豹屯時危思結舌未敢出深

論

庭草

影隨苔上下色逐雨輕濃自受高天庇無煩綺閣重鶯
花春半友月露夜深供生意年年發憐君憔悴容

倚杖

吟秋東郭外倚杖晚江邊一路入城客沿隄泊夜船雁
歸青墊月漁醒白沙天俯仰多淒切風光憶去年

初冬

爽氣從茲減寒威日漸深草衰初白地楓醉失青林衣
裏清霜薄愁連病葉吟高樓棲息久應悉未歸心

向夕

莫謂天長白陽烏不再中景移高岸樹聲急落帆風暝
色千林共歸心萬鳥同感時思自奮悲激意何終

江亭

深甯堂詩集

十六四明叢書

約園刊本

荒村禾秀日平楚月明時岸闊風來壯江深暑到遲客
憑潮汐至天許鷺鷥私莫遂題新句高人已有詩

悲秋

好友經秋別愁心盡日橫淡煙孤鳥供黃葉晚秋情貧
逐長年過風隨短褐行無能躬穡事空羨稼如京

除架

百草逢秋落看君興亦疏細瓠連蔓摘殘架雜霜除穉
豆行將及溫菘且自如凋零真足念轉憶抱瓜初

泛江

寄身舟楫裏盡日畏風波水色難逃網江聲不受羅無
憂惟鳥陣免稅有漁歌近海流應濁秋潮正已多

樓上二首

樓迴光先入林疏筍密簪生涯雙硯北心事片雲南小
翠浮欄菊幽香透几柑著書無一字殊媿九經潭
千嶂窺樓入浮屠傍檻簪青驪多倦北薄杜老司南汴
粟資楊食吳材半楚枻乘時難自奮寥落恐江潭

獨酌

獨酌支吟晚高松領月遲幽蹊雲閒竹深樹鳥分梨野

深齋堂詩集

七四明叢書
約園刊本

果逢猿怯山風得虎怡自憐無遠略薄醉且須時

中宵

朔風侵晚急山雨入城疏短燭依人寂寒鐘叩竹虛鳥
飛雙翅月懶靜一心魚欲倩東頭犬重來寄我書

江上

萬古一江色梭船織素秋浦潮郭索酒渚草鮒魚裘帆
影常登岸江聲不下樓誰令魚米地歌管片時休

小園二首

綠沼萍蒿宅幽巖狐兔家霜林雀似果寒夜月當花菊

醉三秋露蟲眠一枕沙
疏窗畔竹辛苦傲芳華
曲徑三株樹玄衣數口家
暗泉長潤礎叢棘亂欺花
小犬工司戶寒魚不上沙
幽心庭草會長落記年華

懷舊 周貞靖先生

湯湯東下日砥柱孰如君
一卷僧儒合千春隱見分
狐銜新斲草鶴守舊山雲
流布從今日無煩更匣文

節事

貧寧爲我設何事事全非
久其征鴻出難同社燕歸
蕭疏除後髮破落典餘衣
多少謀生念宵興曉自違

深宵堂詩集

十八四明叢書

約園刊本

江月

仍是舊時月娟娟欲戀人
樹篩光照席舟載影隨巾
映草無他色翻波別有輪
輕風雲淡處棲鳥亦生嗔

廢畦

充庖長賴汝何事竟凋殘
破柵雜仍聚疏籬草自寒
霜痕黏土淨蟲語惜春闌
還藉明年力重來照瓦盤

村夜

牛飯聲初歇風吹地葉行
天陰林鳥沸林靜佛魚明
貧舍防禾熟孤村詫客生
新菘兼紫芋甚厚故人情

可惜

看山嫌舍遠賞月恨花遲可惜秋冬際多逢風雨時遙
天鴉做字清夜竹吟詩頗憶溪僧約蹉跎屢後期

臺上

臺勢凌空出巍巍領眾光才沾微景白未到一秋涼薄
霧侵欄潤遙天引目長章華今在不獨有樹蒼蒼

暮寒

草舍牛歸後溪寒水不波被穿三幅短霜重一籬多櫓
烏荒村鼓林風老樹歌無衣憐里巷晴雨望時和

深甫堂詩集

十九四明叢書

約園刊本

爲農二首

刪草平田路扶犁處士家鐘聲秋寺晚牛飯夜鐙花水
足農歸早山空月到賒香杭儻可食何事覓丹砂
爲農卽避世潦草便成家微雨兒挑菜空堂婦紡花溪
魚鄰市賣村酒隔河賒若得耕兼讀吾寧惜委砂

雨晴二首

鳩散茅檐靜沙明石瀨新江連山腹雨天與日頭人晴
色烘林暝秋聲戰葉頻時衰多鬼竇一擬續搜神
寒雲離野樹巖影忽如新天亦憐貧士村仍聚廢人陽

同花信早煙織歲華頻欲做山陰跡年深多失袖

搖落

蕭疏牆竹晚葉葉帶風流壞壁常分雨疏籬不掩舟牽
雲遮破屋挖日補殘裘一任時開闔吾心未畢秋

北鄰

舍南連舍北來往不知勞一徑無私曲通泉有桔槔種
花分力作挈榼遞兒曹何必求羊侶相期始沒蒿

朝雨

羣雞鳴未已微雨颯風飄宿鳥仍藏樹宵煙老臥條苔

梁省堂詩集

二十四明叢書

約園刊本

衣增楚楚巖影失嶢嶢幸得求羊約相期在詰朝

畏人二首

畏人耽徑僻避世得鶯啼心與青山遠身隨矮屋低一
春同月過五夜抱霜棲不識侯門路無緣到碧蹄
投閒長閉戶綠葉裹風啼喧草蛙聲急穿花蝶翅低藥
欄雲息影石竹烏分棲恐導人來往何曾貰馬蹄

屏跡二首

未必容子懶何心戀世情愁懷隨事豁貧境逐年成雲
絡花枝靜風捎蝶翅輕敢將霞嶼雪來擬夜堂清

無庸俗事擾心目喜常幽細雨當窗織疏鐘雜水流半
簾埋耳目一卷送牢愁那憶郊原上春花到樹頭

征夫

牽衣相別後盡日戰爭多毅鬼尋屍哭淒鳶枕樹歌酸
風梳病骨寒雨澀雕戈欲作家鄉夢其如少寐何

卜居二首

石險林交處吾聞孔稚珪孔有游四明詩藏身應有地覓徑豈
無梯築舍依雲北吟詩就灑西溪山知不遠何事竟長
迷

深省堂詩集

二四明叢書

約園刊本

澗落泉雙布山銜月半珪鉏畦分鳥席行藥共雲梯酒
店雞棲北人家虎落西只愁嵐起後樵徑使人迷

薄暮

客散衡門後人爭野渡時薄雲隨倦鳥落日上疏枝世
亂偏宜拙心危未敢悲普天烽一色衰颯鬢愁絲

草閣

雨窗苔作徑草閣霧爲闌水漲魚增舍雲多樹學山遣
愁終莫去借日竟無還徙倚庭梅下誰怡顛頽顏

次全二和先生舟中韻

乍乘春色出信宿理歸帆水淺常支櫓風嚴直刺衫春
泉滋石咽隄草慰牛饑一雨來何驟孤篷幸早雨

集于石師松堂次韻

禾麥初占半日晴舊交遙聚一窗明春辭小草莖猶綠
風徒垂楊影不驚楮上山川真欲語

林素庵爲
于公作畫

廚頭櫻

筍亦生情朝來正有天童約能否同看雨後耕

同諸公訪悟雷不值自炊黍飯畢而還次霜皋先

生韻

約從杖履覓匡山已到溪迴一笑閒未值主人花對坐

深尚堂詩集

三四明叢書

約園刊本

井無童子烏司關自炊陳黍三升罷共載斜陽雙槩還
借問誰招和上出禪坊尙有幾人閒

庭柏歌爲果堂先生賦

栽以瓦盆傍植桃竹

笑讀居前有庭柏蓬蓬三尺如人立低柯密榦影婆娑
時露蟠根與錯節雖無蕤鬱連蜷勢已具盤拏夭矯質
性命由來託瓦盆意氣還能友桃竹豈鮮凡卉滋栽培
不愛春花愛秋實興至摩挲矮樹傍相對渾忘誰主客
此柏栽近二十年位置東西總不一翠葉嘗遮尺五天
曲榦時分一弦月不因寒暄變操持詎爲春冬改顏色

高及長狄跌低並侏儒目含星剛一宿灌雨纔數滴部
婁今可栽烏鳥不敢集赤松求餐餐未能王裒欲扳扳
不得空張寶鼎待燒焚漫起高臺施采斲柏嘗謂我汝
來前吾與大谷倒生同一脈聞彼蒼松盈百尺何不處
我山之麓使我卷奇偃僂時時悲局脊吁嗟汝柏慎勿
傷伸固非榮屈豈辱東山有木號負霜閱世迢迢已二
百拏龍攫虎勢莫當枝旣如銅根似鐵一朝斤斧動地
來老榦扶疏遭砍斫今汝體質雖未伸猶幸得辭於翦
伐朝伴行吟暮侑觴日夕得親君子側月白風閒歸去
來聊與先生同偃息

深室堂詩集

三四明叢書

約園刊本

散懷詩十六首次吳堂先生韻

坐對閒庭樹蕭然意興疏驚啼牆外竹蟲補壁閒書世
故貧逾習名心老漸除紛華寧不羨終日愛吾廬

但具超然抱無容日偃關招僧來竹舍采藥到溪閒雨
洗斜陽出雲交疊嶂還猶憐天際鳥不似此身閒

早歲遭兵革移家住郭西燕依新築壘蓮失舊栽泥道
遠勞分夢村遙隔斷齋故巢儻未毀猶望一枝棲

郊居經歲久野趣自天成漸解雞豚性粗知菽麥名久

晴祈穀雨近水見清明熟得田家譜怡然樂此生
日侍先生教因之出亦稀青山容其臥白日掩雙扉作
意花偏謝無心草自肥東頭一片月久與世情違
不受繁華擾門中自寂然數聲烏嘒後幾個竹枝前稀
粥迎風結藏菹出饗鮮蕭閒無事事且抱白雲眠
來往無多友奚煩事送迎清泉曾識面白石或知名種
樹招鶯出栽花候雨晴所欣機事少剝剝不須驚
溽暑屏人事閒中我亦曾裁書忘答友索詠失酬僧敝
履常穿趾單衫不掩肱蓬門雖久設多是藓痕登

深室詩集

五十四明叢書

約刊刊本

無能諧俗尙萬事聽泉流庭柏青垂眼溪雲白到頭弄
雖憐晚燕呼婦羨晴鳩只信天心去無煩動杞憂

先人有遺宅久矣歎荒蕪三徑憑狐鼠孤松尙有無雲
心眷舊壑鷗夢集寒蒲何日茅堂下朝曦負褐夫

數椽堪隱地冷落在空山與鳥成比戶連雲其一閒柴
扉經雨綠石虎臥苔斑種得松秧在歸來恐皺顏

選勝還畱下幽深可住家四邊皆竹子一路盡梅花水
蕩魚塗闊風帘酒擔斜還當尋小築時引故人車

高春誰復借秉燭欲長游細草雙鞵軟輕風獨櫂柔身

隨雲樹老心共水山幽此願殊難負何年得快酬
烏道雲埋處高人壘石房引來水作碓種出茗如槍翠
色經年住炎飈六月忘幽蹊知未絕誰肯裹餘糧
欲學劉夫子明山去把茅半瓢千樹杪五岳一籬梢青
桂村中醕蘭蒲世外肴巖頭麋鹿在多結歲寒交
競說從吾好當身獨不然欲尋方丈跡難覓順風船名
位鷗鳧末詩文樵牧傳有懷多未遂株守自年年

東谷觀荷花

誰移優鉢置池中界破溪山面面風葉傍芋田形莫辨
花藏深谷臭先通露涼蟬飲干莖綠水靜魚拖一瓣紅
何幸空巖逢淨友欲將社事問山公

陳同亮招同諸公集雲在樓二首

秋風一夜暗飄香雁序分飛已數行所幸坐猶餘俊及
難逢客盡擅文章畢離頻動人仍集末利新開日正長
回憶昔時同學侶燕山越水極難忘

謂在中夔獻介眉諸君子及家况充

宗從子
貞一

何須講席數從前此日萍蓬豈偶然佳集喜從離亂得
斯文聊藉酒杯傳桐高不解趨人熱身老常愁序客年

別後餘情應入夢竹牀且枕月光眠

戊午上日次外舅李臬堂先生韻

藜牀布被合居村十幅青氈九不存
未有兒童堪應客但教竹樹暫迎門
貧來節下延賓少老去班中序齒尊
所喜遠歸同學在經年文義可重論

西臬感懷次上日韻二首

僻居誰復敘寒溫雜處樵漁共一村
土壁疏藤聯瓦屋竹籬小犬護柴門
平田積雨泉聲動獨樹無風鳥語尊
多少閒愁兼往事清泉白石可同論

深書堂詩集

三六四明叢書
約園刊本

淡泊瀟鹽老住村舊編遺澤喜猶存
弟兄各出人雙屨風雨頻翻草一門
小徑待看花繞舍隔河空羨酒盈尊
閒憑野老溪頭坐時把家常次第論

壽戒庵李先生八十次家弟季野韻

蘆虎相依只一廬但畱方丈便安居
卽當寢食猶研句除卻登臨不讀書
氣節一門推勝舍才華諸子壓應徐
他年儻入儒林傳黑蜣先生可得如

藤嶺道中次張亢友韻

峯入天難出荒塗莽未分
鞵沾沒腳水笠戴一頭雲葉

動風傳信林開日借曠村翁晚飯畢啜啜數雞羣

宿千意山房限韻

一松一竹一含煙山舍蒼然落照前翠葉疏花鳥語宅
亂雲濛雨虎居天分來野店孤燈火接到清溪兩耳泉
小閣拈題慙七步藜牀獨抱禿毫眠

春日同山陰蔡子佩同里張亢友胡卓人爲山澤

之游倡和成帙臬堂先生作詩見投次韻奉酬

四首 選二

雖則無家累亦輕頻年喜得事先生并辭四壁貧逾甚

深齋集詩集

三七 四明叢書

約園刊本

易過三春老漸成南國楷模傳故事西豪兄弟媿虛名
只依丈席論文地親溯從前文獻明

扁舟偶向小村過山影千重插素波飯懷花蹊風乍鬢
放鷺柳岸日初和觴浮曲水鳴昔遠詩帶遙峯吐潤多
爲問右軍操紙筆諸公次第近如何

同慰弘上人舟中限韻二首

析義欣文已有年連朝相聚益歡然湖平野岸漁千網
日落春山夢一船有約不因黃鳥出無心聊共白雲還
多情更被東風繫坐老空江綠樹天

不然度日竟如年，賴有同行是皎然。狂語欲驚官道客，
順風常送去人船。桃依竹柵迎春笑，牛背村童向夕還。
且約並歸東谷去，靜聆鐘鼓碧雲天。

雨後溪橋晚步限韻

衝泥誰復到山前，信步微開欲暝天。羣犢歸銜幾處草，
亂雲斜作一村煙。灘頭水峻溪將立，峯頂松深雨尙懸。
徙倚石橋歸興懶，昏鴉點點先人還。

對雨二首 以下十八首次工部韻

風和知太甚，一雨小春時。雪靜三江柝，煙埋大樹旗。日

深甯堂詩集

天一四明叢書

約園刊本

微歸岫，早鐘溼到門。遲藉此閒扉，坐天心似我私。

霏霏微雨下，坐憶入林時。野店煙爲市，村酤帚作旗。草

生來謝客花，落對邱遲。但得欣欣意，還同物自私。

鍾嶸評邱

遲詩云有落
花依草之致

遣興二首

結伴招提出，多因興所之。磬魚法座樂，塵土佛頭絲。日
領浮屠早，春生破寺遲。心空忘地遠，歸到月明時。

緩急人時有，惟吾日有之。只今皆到溉，何處問袁絲。理
篋年徒老，歸耕策已遲。如灰爨下實，空負老親期。

秋盡

十月秋光未盡迴，幾叢紅樹照山隈。
村當刈稻多舟楫，人到寒天費酒杯。
園橘乍隨霜落出，鐵鐙漸照夜長來。
狂花不待青皇令，肯傍先生籬腳開。

江村

不須臺榭見風流，煙火桑麻景亦幽。
夾岸松篁遮小屋，數家鵝鴨領羣鷗。
柴門穀實修魚罟，野浦潮平下蟹鉤。
儻肯誅茅來此地，高風應向古人求。

出郭

葆省堂詩集

无四明叢書

約園刊本

衰草綠隄闊，寒雲壓壘低。
戍營連海北，烽火燭郊西。
萬竈灰山海，千骸斃鼓鼙。
惟餘萬斛淚，何處向風啼。

放船

更無移足處，行止託遙灘。
野曠青山小，天空白日寒。
高雲銜雨過，小市聚人看。
欲其來舟語，風威未肯闌。

卜居二首

霜雪無情漸滿頭，何時蹤跡寄巖幽。
貧無餘力開三徑，老愛名山寫四愁。
岳頂煙霞通夕夢，杖頭風日接春浮。
草堂未似瀼西好，已勝張融岸上舟。

伯居西郭仲東頭種竹編柴事事幽
六者弟兄三者客
一天風雨各天愁
常謀小築年華晚
欲轉寒門歲草浮
何日藜牀容大被
不教行李上孤舟

野望二首

一徑松陰到澗西
疏籬殘豆轉淒淒
野塘濤起風千樹
茅屋漁歸雨一溪
白鷺近窺竹籬立
飢鳥遙望草人啼
秋光林樾看難盡
付與奚童自在攜

半肩斜日石橋西
谷口相逢暮色淒
每逐白雲來野寺
貪看紅葉到前溪
鹿歸月破千山影
虎過風驅萬壑啼
莫有村帘沽一醉
黃柑斗酒不須攜

深省堂詩集

三四明發古

約園刊本

村雨

河漢經時暗農心
各抱秋雲連峯戴
笠蘚滿樹披裘鹿
女銜風怨狙公枕
霧憂郊扉無別慮
攜釣向溪游

搖落

搖落江皋暮雲寒
水似流趁晴鉏小圃
抱雨上孤舟
養鯉天成甲生羊
自製裘梅花開又近
歎息此年秋

秋清

秋光無遠近木脫不須梳
燕壘今朝別蜂臺昨日除
疏

砧邊塞信丹葉嶺頭書欲暫辭城市何山可自如

江行遇風登岸散步

江行原自險况復遘飛濤隔岸風聲別荒村酒價高茅
亭懸畫箠廟壁挂征袍何日消烽燧歸田送爾曹

笑讀居初集

所期千古業相望在諸君折簡邀同志扶藜到白雲數
篇終歲負五字一生勤賞析從今始毋令歎夕曛

草堂觀穫

經春勤力作此日荷西成八口初回色空村乍有聲公

深香堂詩集

三四明叢書

約園刊本

私需一畝城郭望新杭殊媿衡門下無田歲不耕

歲暮呈同社次臬堂先生韻四首

競說時來竟不然占星卜竈悔從前愁書空字頻盈篋
閒放低眉又一年柏火自能驅厲盡桃符只許伴愁眠
安居未必非貧力敢效昌黎送鬼篇

萬事懸猜若可憑到今惟有一貧增難翁逐鬼猶攜母
戶尉依人只對丞南北遙分年夜酒弟兄各照歲除鐙
相思定有家鄉夢倦眼朦朦睡未曾

馬通牛矢沒頽牆閉戶呵毫凍欲僵思有光芒追杜李

別陳酒脯祭鍾王羣雞唱滅山臊影爆竹聲催陌騎狂
獨有寒門都不用敝衣草屨出相當

雨雪催年已戒塗吾儕逸興未全無惜更競和羅昭諫
愁鬢深懷高逵夫坐供諸詩翻故紙天酬過雁寫奇觚

季興儻得追張沈

謂東沙嘉則二先生

寧忘齋東老鷓鴣

謂吳堂先生

嚴灘夜泊

雲偃西峯日色微布帆力倦勢難飛就灘起爨煙橫渚
掬水開篷月在衣野火紅穿疏樹出斷雲青逐暮鴉歸
爲思垂釣高臺客何事勞勞未息機

梁省堂詩集

三五四明叢書

約園刊本

元夕蘭溪觀燈

載來山色滿孤舟爲值元宵此地留比戶笙歌喧郭內
萬家煙火出城頭流星爆竹沿溪月綠酒紅燈小市樓
何必神仙施幻術風光恰勝到揚州

村夜次杜韻

東草安樵牧江干一鳥行霜肥鐘漸遠屋轉月難明鏡
柄分貧樂銚頭寄死生他鄉仍骨肉無限歲寒情

憑山晚眺

高閣環巖峯揮絃送日沒且莫下疏簾畱以進明月

擬古

兒熟耕耘婦工紡織寒可得衣飢可得食女不躬桑男
不履畝一到飢寒不顧父母吁嗟安用兒與婦

長相思

首歲競束裝弟兄各上路經年會面難况復長相聚飢
寒送出門一出不可住茅屋雖可歸所乏朝夕具遙望
彼飛禽行行天邊度

感懷

年來生計竟何憑欲學漁樵究未曾孤月有情依草閣

深尚堂詩集

三三四明叢書
約園刊本

百蟲無睡繞山鏡頻思安逸終難得不學憂愁忽已能
茗椀爐香常偃坐蕭然蹤跡類高僧

午日次沈應五韻

朝來霽色傍檐楹贏得山光入座明艾葉榴花重五節
蒲尊角黍故人情風搖垂柳千絲曲鴉背斜陽一字橫
酌罷諸公爭取勝篇章各自豎長城

賦得官衙如蘭客如蠶

官衙如蘭客如蠶臨帖觀書此地堪兩耳不聞天下事
一編常對古人談溪山無意招芒屨枕簟多情罵竹籬

吟徧石欄踏徧月履聲不出舍之南

秋夜聞蛩次李吉四韻

何緣眠未穩與汝竟相偕訴出愁多緒啼殘月半階未
同蟬響答適共緯聲諧客裏難爲聽淒然動遠懷

秋夜有懷

上限八音下限溪西雞齊啼四首之二

金玉芳型著竹溪石門歸去郡城西絲牽別恨來宵鹿
竹引炊煙報午雞匏葉繞籬三徑曲土牆周屋一身齊
革心賴爾裁成力木偶年來解笑啼

右張旦復

金屋繁華隔澗溪石牀高臥日斜西絲韁久謝雙鬚馬

深雪堂詩集

三四四明叢書

約園刊本

竹墅新添五母雞匏貯青蚨飛去疾土栽紅豆結來齊
革除舊履知何日木葉春深花豸啼

右故居

遊煙雨亭次存田沈祠部韻二首

雲起高岡列畫屏夾溪勝地喜初經千家樓閣遙當戶
四面溪山盡到亭江滸燈明船上下楓林霜重葉丹青
多時未遂登臨興一望晴峯眼獨醒

古殿龍從倚翠屏隔籬猿鳥聽繙經數聲禪唄消殘照
幾樹松陰蓋短亭北去煙波連日白東來巖岫接天青
何當老住禪坊內煙雨叢中睡不醒

涇城月夜次王雲俠韻

四首之一

風依庭竹影疏疏客舍離愁埽不除
卻聽飛鴻驚起看碧天遙寫數行書

月夜望水西二首

新月挂東峯蒼茫失岫容煙蒙不辨水寺遠只聞鐘宿
鳥依殘葉疏鐙露小舸故鄉渺何處一望白雲封
漏滴宵初靜登樓望遠便遙瞻雙塔路未上一溪船波
闊山爲障霜高岸似天何時煙雨後載酒醉亭前

送王雲俠歸秦郵

深省堂詩集

三五四明樓書

約園刊本

又攜琴鉞返孟城衰草嚴霜十日程
山色尙堪留客住歲除無那促君行
西風晚店新醪薄落日寒江黑浪生
別後離懷託寒月夜深應照璧湖明

又雪

不斷年除雪層層未許消
經旬窗戶白一色地天遙
破柵雖雞聚荒村市價驕
門庭無客到只有雀來朝

歲暮

歲晏無多事燒鐙泊墨兵
飢寒淹別日雨雪築愁城
懷友雲停戶思親淚滿纓
毋庸開匣鏡恐使客心驚

人日

纔逾開歲節又到帖人時春到梅舒早風寒鳥轉遲老
多遭世侮貧易觸心悲霜鬢難饒我年來已挂絲

湯口

出城踰百里才得近湯泉地接黃山麓人家綠樹邊峯
高嵐作牖夏至日如年到此心初爽桃源在眼前

同喬東湖李吉四初至祥符寺呈江允凝

夢亦不到此逢君遂裹糧居然飲靈液但未上仙牀
筮游山服芒屨訪道裝騫峯三十六藉汝共翱翔

深省堂詩集

三五四明叢書

約園刊本

湯池

丹砂蘊地脈源煥綴流溫仰噴如貫珠纍纍無朝昏氤
氲破幽巖香潔邁眾泉我來恣盥漱飲德如飲醇豈惟
金膏澤絕勝玉女盆緬懷古軒后託體香水濱一旦圖
輕舉竟捐黃幄尊何事貧賤軀白首圖安煖

桃花源觀白龍潭

卸裝探幽趣遂值桃花源入谷得微路亂石自成村羃
屨障日月巉崎通水門披襟屢停策但聞晴雷奔澄潭
圍密樹上有荒亭存默坐對之久仙凡何用論

慈光寺二首

幽尋自初地吟眺每徘徊寺是前朝構松從上古栽風
微山樂奏日暝木蓮開天意殊憐客徐看送月來
香臺天際闢拱護是羣峯眾水分流出孤雲到處逢鴉
傳佳客信林遞夕陽鐘游履從茲始相期覓短筇

山樓坐雨二首

重嵐蒙洞壑一雨自天都蓮蕊不時有桃花絕影無幽
窅雲出沒高閣樹模糊盡日巡廊徧游蹤滯老夫

不緣風雨阻那得見狂流亂水奔山脚飛濤挂樹頭地

深宵坐雨集

三七四明叢書
約園刊本

因添霧勝天爲好峯畱我友應相憶多煩遠道愁

由小山坡至文殊院

結伴陟危巒徑仄紛不整住策始移步倚石方引領歷
險崖附體躋高膝齊頸息喘賴團石滋咽藉杯茗一線
窺天光千尺俯潭影崖斷趨石罅宛似入胥井循梯登
崇岡上下身爲綆懷新神愈王路盡天日暝嗟彼好事
家疊石成山嶺觀此心爽然能無發深省

文殊院阻雨

躡屨扶藜得得來將從香閣訪丹臺無端一夜諸山雨

散作千溪萬壑雷風暝蒼崖珠菜秀露滋青蕤石蘭開
躋攀縱滯吾儕興佳處猶能日數迴

香溪送酒

可念招提客眉攢欲遠同一尊連雨至雙屐破雲來游
策鐙前計新詩酒後教海棠殊解事早放數枝開

雨霽登仙桃峯

和風吹雨散葳日眷林樾白雲停山腰大地如積雪策
杖攀仙桃賸雨松枝滴空山悄無聲獨鳥作遊客遙見
獅子林高空露曉吼

深省堂詩集

卷四明波書

約園刊本

蓮花峯絕頂觀雲海

峯徑同螺旋傾敵復懸絕雲蹊循千盤岑嶸歷百折躋
險足雖勞領要心自憚蒼崖立清溪絕壁鏤圓月壓面
峯欲墮穿背石疑拆跼步陟久之花萼猶未歷捨策登
飛梯踰梁上山凸榻此得大觀曠然愜胸膈俯視但冒
絮一望白未輟九子露微茫羣峯盡泯滅巖然獨天都
並峙堪叔伯秀色領諸山相對迭主客在險不知高迴
望見突兀

從百步雲梯之後海

險處多在高心寒無好武渺渺此雲梯崖深不可覩
步凜莫前曳踵如中矩磴削豈容身疾呼戒徒侶須與
下平坂坐定相勞苦平生慎淵冰履石同履虎何意來
名山乃踐此險阻

煉丹臺

浮丘昔仙去所遺煉丹臺臺址何空曠陳跡惟蒿萊
春風吹山花榮落知誰來奇松與怪石相對如優俳
猿狖已蒼斯人安在哉

光明頂晚眺

深省堂詩集

卷四 四明叢書

約園刊本

浮雲斂東海波靜眾峰露崔嵬青崦窄杳窅深谷
石齒參錯巉巖旗分布雲根鋪落日巖頭戴古樹村
澹若畫林密綠如靄遙瞻丞相原俯瞰太平路萬象
何紛披一一眼中注登高固坦夷此理自可悟

登始信峯望石筍在散花塢

黟峯宛浮雲變幻難億逆到此始信然相視盡咄俯
瞰深百丈無風亦凜冽空坑森石筍人物儼生活牽連
似同行羣聚如博奔仙佛兼飛走各自逞詭譎古幹爭
盤舞霧草雜點綴拔地少倚傍撐空競坼裂情美蘊莫

傳目眩賞多闕居恆守環堵游蹤苦局脊將老得勝游
不圖至斯絕

石鼓峯月夜

月明麗中天萬象忽如醒山山挂暝色延眺殊整整清
風噓翠松白雲在諸嶺要眇競目賞幽趣各心領何處
無深山誰能際此境

西海門

奇峯插天起空曠如重門初日未全照宿雲猶微屯蜚
戶望洋立天吳據島蹲帆檣列近涘洲嶼羅奇珍分明
覩佛塔彷彿見牢盆我欲居海滄無力徒逡巡

雲谷

峻坂何嶮巖卻顧屢停策峯迴見平原知是剎竿闌曲
徑繞名花澄潭壘危石清磬泠然來頓使心神寂凌風
一長嘯清曠塵抱絕遙想黃農人悠然此胸膈

九龍潭

山神嗜奇恩川陸倒注西江挂崖角遼古茫茫直至今
一氣奔流無斷續吳門白練暴千尋金谷明珠灑萬斛
乍看銀漢瀉晴空忽聽轟雷震窮谷奔騰怒瀾山爲拗

數比經星同尾宿羅漢級前固平平水簾洞口尤六六
峯腰疊浪白於綿潭底沈砂青過竹崖深盡日少人行
細草垂楊隨意綠對之軒豁心蕩怡冬可忘寒夏忘燠
狂來欲倩巨靈神移置甬江伴茅屋

雲蒸谷

兩崖東溪流溪深邃如谷有石如舟藏長維不用舳澄
潭少風波白雲屢起伏崖樹標蔥青巖花送馥郁物態
縈寸心晴景娛游目儻此得長畱吾甘友麋毘

鳴絃泉

深省堂詩集

四二四明叢書

約園刊本

絕壁挂飛泉源流日夜瀉誰將太古琴移置石崖下高
山流水音鏗然見大雅冷落此空山當今聽者寡子期
久不作誰是知音者

仙橋峯觀瀑布

是處盡春風行吟趣未窮高峯飄響雪絕壁貫晴虹杖
影輕雲內禽聲綠篠中吾儕幽興極不覺晚霞紅

信宿祥符寺

通川環寺門修篁蔽香積白雲滃諸山迴合成籬柵挈
杖數經過林光紛在席馨蒲及茶筍幽致那可說清宵

臥繩牀灘聲枕上話

黃山怪松歌

黟山多老松怪狀不一格閱世幾滄桑空山誰攷覈撐
幹必背崖寄根長在石此翁植久似通靈與人相接頗
有情始信峯前手接引天門路上躬送迎昨從一線天
邊過鐵幹橫敲似龍臥騰虛飛挂片石上醉倚胡牀仰
面唾又從平天石畔行形似蒲團差廣大高盈三尺蔭
半畝柔肢曲體容人坐從來柔物不制剛此翁挺健多
反常根如錐鑿石爲破蓮花峯下名久揚石筍石中峯

深省堂詩

聖三四明叢書
約園刊本

林立一峯一松猶戴笠獨有一松學垂舞倒伸一臂長
莫測側身倒地勢如龍擎雲攫日凌高空奇會眾松莫
擬似無已尊之曰帝松其間眾松俱不惡大半穿崖與
度壑縱饒妙手繪亦難夭矯離奇非意度短鬚老骨歷
年長會與軒后同徜徉鼎湖龍去不俱往對此猶如見
古皇吁嗟乎古來神物須品題不經識者終沙泥君不
見獅子峯前一古柏狀與蒲團松樹齊偃蹇不獲逢知
已至今視之猶等夷

將還新安遇雨峯大師歸山賦別

入山君在城出山君在路相思忽相值欲別頻回顧子
生眷林壑未窮石屏趣他日儻相遇願共丹臺聚

留別半隱上人

宿雨淨千山霽色翠如繪策杖恣幽尋徑僻迷向背上
人導我行得與諸峯會茶鐺及果餌雜坐忘勞瘁回首
見天都臨歧悵分袂

水精庵贈休上人

幡然八十老舉筆自風流今世維摩詰前身湯惠休
年猶費酒終日不言愁無限新亭淚都從一鉢收

探雷峯詩集

卷三四明叢書

一粉園刊本

別黃山

才得與君交又復與君別重來事變遷後會知何日

再賦湯池十二韻

仙駕乘雲去恩膏逮下方火輪煎地脈神漢湧山塘壚
韞天公守煤薪后媪裝氤氲元氣合鶩沸水源長派接
朱峯麓波翻白石坊千年絕盈涸終古失炎涼落澗蝦
魚避經途虺蜴藏山花沾澤秀巖草孕嵐香未許汗紅
袖曾聞沐古皇奇功伴百一異味邁尋常映體光同雪
吹流潔並霜解衣恣盥漱斜月挂高岡

白石筇屨冒雨行迷失道約五十里始至雲谷
何處堪投足天光竟莫開有雲都是水無地不聞雷辨
樹知途近聆鐘覺寺來雨餘登梵閣回眺亦危哉

鄭公師山釣磯次喬東湖韻

賢守投閒地春風拂釣磯曾無遺跡在只有白雲飛山
色招游屐溪聲戀客衣吾生非作宦何事亦忘歸

田夫詞

朝糶耜暮水車面目黝黑身泥沙待到青黃相接日貧
人粟入富人室粟入富室何足傷可憐穀種無力償夫
備擔負婦賃織明歲吞飢糞黍稷君不見東鄰女終宵
軋軋不停杼寒到衣裳無寸縷

深省堂詩集

四函四明叢書

一約園刊本

登報恩寺塔

浮圖徧寰宇龍從斯爲最登臨覿肆中踐躒虛空界丹
楹落日觸雕甍飛鳥礙仰視闔闔開平與星辰會雲雷
奔足下齊楚歸掌內連山並部婁長江儼衣帶明光昔
嵯峨金碧遙相對至今海田後巍然只塔在始知帝王
力不及眾教大

謁孝陵

驅車出郭門遙望鍾山路金碧盡層霄崇閣失恆度岡
巒羅峻屏雲端開武庫天威猶咫尺敬恭敢不足靡靡
歷墓門郭郭莽迴互已作芻牧場豈但刀劔鑣緬惟草
昧初杖策投戎幕一劔華夷鬪片帆吳楚附王氣歸紅
羅乘時遂龍御功烈邁漢唐今古推獨步作此長夜室
方謂萬年固不圖十數傳遂作故陵數篋邊人閒藏馬
駝汗萊仆未見佳氣盤但聞黃幄顧穹碑立殿前恩澤
止文具刈草到根芽翻慮樵牧誤太息立斜陽欲向秋
旻訴

深省堂詩集

四
五
四
明
叢
書

約
閱
刊
本

感懷詩

在昔瞿曇教談空實無作吾身未生時性命於何託虛
空寄生涯水火爲囊籥疇生能醒然寧分魂與魄疇死
非冥然安顧軀與殼譬則水中月欲著更何著喟彼世
閒人猶唱皋某復

歲暮懷董伍堂

生平夙與伍堂好同里同心復同道束髮斷金今皓首
晤對時多離別少豈意年來會面稀參商爾我各東西
縱有詩篇裁滿幅鴻飛冥冥倩誰費近知載筆海昌署

年除未返家鄉去相逢惟有夢魂通
楓林昏黑不知處
來春聞與汪洙期言歸相見知有時
但恐我來君復出
月梁仍對影差差

春日有懷謝孝德兼柬令兄孝輔孝定

疏雨零煙接曙暉
愁心終日掩雙扉
家山有路月獨上
客舍無情人不歸
千里夢回甬水上
經年書到練江稀
知君兄弟兼師友
春到池塘草自菲

陳介眉太史病中值尊人之喪詩以訊之

昔我行役時就君西軒別
時適抱微疴經營在藥石
及

梁惠詩集

卷四 四明叢書
約圖刊本

我長安歸君病猶未輟雖無萬丈紆恆自繫胸臆
客歲春風高吹我到鄉國首登君子堂支牀尙雜骨
數語聚離衷恩恩事于役不獲重候君至今心耿切
新都邈何漢經歲信音絕旋聞病少瘳痛親故增劇
君性夙仁孝斯言良不易遙望葦山雲中心殊苑結
緬惟數載前告歸爲明發兼慮講席虛折簡招同籍
惟君作都講疑城盡冰釋飢寒類楚歌四散同飄葉
君獨與元方指同亮安居數晨夕卽此倫序樂亦爲造物
嫉世俗徧康寧而君獨遭厄悲歌動林表木石紛慘
戚願君節哀痛保體事

宗祏作善降百祥古語豈我謫

懷八弟季野

老年骨肉最關心楚水燕山涕不禁
室遠幾曾書得達
鏡沈或有夢來尋
講堂無恙花誰掃
蔣徑雖存草愈深
問說東鄰游學侶
鬚眉早被雪霜侵

雜詩

人生急衣食得失恆鹿鹿
美服不過身美食不過腹
奚事日營營爲人作嫁服
安卻貧賤心何往無歸宿
多少夏畦人妻子團茅屋

深省堂詩集

早七四明叢書

約園刊本

游岑山次程非二韻

拳石插中流面面絕行路
摳衣上高岡白雲猶在履
暝色市重檐溪聲繞春樹
松頂傑閣懸葉隙扁舟度
山僧四五人日共煙嵐住
我來坐其中蕭然忘世故
俯瞰鄭公磯頓覺平生誤
太息彼先賢獨能及早悟

同諸公游寶相寺次曹實庵司馬韻

華屏崔嵬青無那空谷無人爨
鳥臥煙嵐靜鎖古殿幽
琅玕翠掃青天破桃花一片出
人間消卻邛崃竹萬箇
我來直上問政顛俯視羣峯如
拜賀小池仰噴巖溜長

層崖曲抱香臺大山僧好潔掃除勤曲徑無容片葉浣
能使幽光滌素襟豈無秀語出寒鐵吾儕性癖耽山水
別怪搜奇豈忍情松下攜尊略主賓珠玉隨風落咳吐
南阜曠達石門豪足與古人分一座人生有酒須共斟
莫使當筵草草過江天未台日半銜明星皎皎虛空磨

雲潭卽事次孫履仁韻

溪行色將晚孤舟入暝煙蒼波吞落日峭壁黨遙天寒
雁依風度村童載酒還客中無事事且伴水雲眠

漁舟

深甫堂詩集

學八四明叢書
約園刊本

日暝波平正好行忽聞漁唱百千聲
篙動處如風疾一棹飛來似葉輕
逢外嚴霜身世穩灘頭明月夢魂清
繩樞甕牖知何物惟向扁舟過此生

沈長烜使君衙齋賞罌粟和靳熊封明府韻

鶯聲盡日繞簾櫳獨步修廊嘯晚風
漸靚炎威生戶外卻畱春色照庭中
芳顏未許凡娃伍異質還爲百卉雄
喜有故人相賞識一尊還擬詰朝同

春日過沈衡玉園亭看梅

扶藜喜得款柴門無恙疏枝共爾存
幾樹繁霜翻白晝

一庭明月照黃昏春先文杏寒猶重香並幽蘭品自尊
豈少何郎佳句在東風愁絕不須論

題靳雁堂使君問政山堂圖

華屏撫城隅十里聳青翠煙雲到來深訟庭恰在內長
松肅風埃修竹隔闌闔主人既豪爽風景復超邁嗜吟
如嗜酒日夕恣酣醉虎頭運妙思萬象徒意會未覩吟
詩人繪出詩中味俗吏薄詩書茲得鳴琴意仰瞻單父
堂白日行空際

題江允凝所畫黃山圖

深壑詩集

吳四明叢書

一約園刊本

新安江子工水山妙趣不減圖輞川若米舫中酒一斛
興來滿幅生雲煙三十六峯奇莫匹一峯一峯指閒出
怪石奇松動百千俱可循圖覓其跡百里山川一冊中
黃海江筆神相通真宰無權白日哭迅雷奪取防神龍
江子作畫得詩趣讀此猶如獲奇句三年抱膝坐衙齋
寤寐還思舊游處高秋斗室苦炎蒸披圖颯颯涼風生
籓冠彷彿同君在六六峯前曳杖行

題胡樞巢依雲軒次張亢友韻二首

寂寂玄亭晝掩扉我來猶幸及紅肥煙消高閣山初到

花滿閒庭蝶有依
曲檻曙禽歌白雪
石欄春雨上青衣
蕭疏已裕泉林意
奚事扶筇訪翠微

帶草薺蘭伴此君
悠然位置已超羣
檐迴碧落三更月
香篆幽窗一片雲
怪石喬松懷往跡
綠螺青筍近春分
良朋坐語移時久
不覺階除日又曛

酬亢友元韻二首

行李頻年理劍緱
孤蹤多在昉溪頭
未能閉戶追張蔚
欲買新絲繡馬游
讀史情牽千古恨
賣花聲起一天愁
非君遠駕山陰棹
故里何時得唱酬

梁宣詩集

辛酉明叢書

新園刊本

相親豈止一比鄰
客裏追尋誼更真
我已難醒游子夢
君何輕作異鄉人
貧來祇覺青眸少
老去無過白髮新
惟有清宜軒外月
夜深猶肯到牀茵

重三日攜黃山圖同亢友過訪江允凝若米舫次

亢友韻二首

蕭蕭竹影蔽風檐
香味迎人早出簾
山近得邀嵐共住
窗虛只藉月來添
愛觀野色茶頻煮
貪聽松聲坐久淹
莫道春光歸去疾
梨花纔映酒家帘

索居斯夕對蘭暉
多病江郎悵久違
豈有鴻名驚四座

漫勞穉子候雙扉白雲影裏攜山至黃鳥聲中醉酒歸
爲語城南修禊客春游似此賞心稀

九日汪學先招同江允凝范衷素沈上雅令弟山
有天寧寺登高

岫色涵空霽色長佳晨又見值重陽鴉捎暮色投孤嶼
魚帶秋聲出上方新月影臨酒盞白寒楓光照蟹螯黃
萍蓬莫惜尊前醉賓主相看盡異鄉

九月十日陳惟恭鍊師招同諸公小飲

憑眺城闌興莫闌朝來復報理杯盤筵仍九日登高客

溪東堂詩集

卷二四明叢書

約園刊本

酒續萸尊昨夜歡烏帽不愁重脫落黃花尙喜未摧殘
明晨又作東西別木落丹臺雁影寒

酬山澗

我年三十餘始得交尊甫傾蓋如故知言論出肺腑君
時方弱冠志氣橫寰宇相過偕岳堂父子迭爲主解帶
坐幽蘭文酒慰羈旅在苒曾幾何事跡盡成古當時往
還人把臂歸黃土夜臺如有知應復共遊處四人吾汝
在有字飢莫煮回數疇昔歡相看淚如雨

烏聊山小集次梅耦長韻

浮雲卷盡四天空一望孤亭罨畫中風引疏鐘來樹杪
山分晚日過溪東輕煙入座濛濛白短燭依人故故紅
勝地幾年畱客醉招攜尤喜子真同

題靳使君雁堂小影

北黔山水冠吳越詭譎離奇非意設徧山蒼幹學龍翔
匝地危峯如筍坼洞陰長蓄古時雲壑底長埋千載雪
使君心想寄文殊鞅掌無因頻理屐生綃作照兼作山
衙齋庶共數晨夕個中我亦煙霞客六載睽違心鬱結
披圖握管神欲往飄然飛挂蓮花萼

深省堂詩集

至三四明叢書

約圖刊本

奉壽靳使君三十初度五首

存二

才子仍飛錫專城宰制尊煙霞偕臥起文史當饜飧載
酒游黃海收書闕白門

公過石城必購異書

昉溪名在耳他日或

同論

何必稱張孔應高第五名

張融孔珪俱第五

詩翁新位號史按

舊家聲良劔光難匿寒潭潌自清莫嫌俸入薄膏澤待

蒼生

同諸公游洪雨平萬花谷次張以增韻

曲徑穿雲入幽香燭石來窗因延月啓柳爲款鶯栽清

友花閒集烏鄉竹裏杯朱陽頗解事相顧首遲徊

謝子孝輔將歸故里先數日以札來辭有云秋風

初動游子思親子感其語不禁泫然聊賦四章

爲別

秋風颯然至遊子思故里驅車欲遠歸遺我一寸楮上
言念高堂下言敦縞紵欲去不可留淚下紛如雨
男兒志四方何必戀故鄉獨此寸草心切切難爾忘子
生非木石此念欲誰將迴思札中言痛盡摧中腸

羈旅無好懷藉君舒夙抱今君賦遄歸鬱鬱將誰告君

深省堂詩集

五三 四明叢書

約園附本

南我極北後會難逆料隻影徒神傷慨然一長嘯

君家有惠連才華康樂亞賦詩贈子行出入未忍卸君

歸聚春雨池塘多佳話莫惜瑤華音千里遠頒下

歸去來引二首

歸去來采巖有芝使我無見知今何時

歸去來采巖有泉巖空無聞我日我年

行路難

製衣不製短翦袖不翦窄識得君性情開箱理刀尺衣
帶夜來安君問山陰路鞍馬出馬前結帶邀君住君曰

十里草漫漫慮妾今朝夢路難

紫驢馬

君行憶上馬滿月試新韉遺卻籠矯鞞歸期踏柳前今
朝出門望楓葉散吳天

勞歌

舉身隨日月奚爲勞朝夕舉身隨江海奚爲勞潮汐鴻
燕兩無猜奚爲勞羽翼極野本同阡奚爲勞主客掩骨
無是非奚爲勞簡策來孫不識顏奚爲勞魂魄

雙婦吟

深省堂詩集

五十四明叢書

約園刊本

豔質古來重賦形天所殊乃有無鹽子暮色自稱姝髮
短不見斑細步忘疴癯進前三未內卻望正趨趨適問
使君語道傍有羅敷願爲提采匡歸從貞婦居

讀曲歌四首

淚如許檐雨語石階滴滴只到汝

早晴愁易變晚晴最難期相約嬉春去春天不可知
看歡髮到趾是處儂所識今夜不辨歡歡背燈光立
同歡銀臂久聞怪有殊意菱花一半光豈能照黑處

雙桐生空井

野豨吐薜花素女遺斷綆上植雙白桐乃似景陽井垂
藹何陰陰游子憩其景旦夕金風生氣逼寒蜩警裂葉
翻路傍鳳凰不宿梗始見有虻枝負霜鬱孤嶺

今日慨余

今日慨余瘁楫勞輿逝將歸止卜野有居有泉當牖面
岑而廬閒驅小犢聊觀素魚全身則慰養生何書春膠
數甕列我階除盤中置脯招烏食餘小庭深樹幸絕高
車出門延眺阡阡競鉏山友幾家望衡可如柰何役役
旧性忘初

四明叢書

四明叢書
約園刊本

四明叢書

四明叢書
約園刊本